



Gedanken und Gedicht um die Zahl 2022

Beitrag

Zahlenhexerei zum Jahr 2022

Drei Zwoara müass ma bei da nei'n Jahreszoi schreibn.

Des tuat ganze 365 To lang so bleibn.

Des neie Datum tua i scho länga übn,
damit des fest in meim Hirnkastl steckt drinn.

Wenn da Nulla an da vakehrtn Stell steht,
Dann bin i entweda nimma do, oda mi gibts no net.

richtig: 2022

ganz foisch: 0222 – 2202 – 2220

Deats Eich net geniern!

Des müaßts selba amoi ausprobiern!

Wenn des sogar i fertig bring,
dann is des für Eich a leichts Ding.

Da 22. Februar, des Datum is zum Varecka,
weil sechs Zwoara und zwoa Nulla im drinn stecka.
Ma konn's vo vorn oda vo hintn schreibn,
des Datum tuat oiwei des gleiche bleibn.

Wenn ma den Punkt tuat andas setzn,
dann ko ma's am bestn vo rechts lesn:.....

22.02.2022 2202.20.22

Macht ma aus'm Zwoara an Strich draus,
schaugt des glei vui deitlicha aus:

11.01.1011 1101.10.11

Is's Eich jetzt scho schwindlig wordn,
vom Lesn vo hint und vorn?

Wenn oana Arabisch ko,
der is natürli bessa dro.

I glaab net, dass des mei Hirnkastl jemois tuat schaffa.
Am bestn i tua den ganzn Tog vaschlaffa.
Und loß den ganzn Tog meine Augn bis 0:00 Uhr zua,,
Dann hob i vo dem ganzn Scheiß mei Ruah.

Gedicht und Foto: Marga Leingartner, Rosenheim



Kategorie

1. Allgemein

Schlagworte

1. Bayern
2. München-Oberbayern